

Lettres de commissi^{on}
SVR LE FAICT DES
FRANCS FIEFS ET
NOVVEAUX ACQUESTS.



A PARIS.

De l'Imprimerie de Federic Morel
Imprimeur ordinaire du Roy.

M. D. LXXI.

Avec Privilege dudit Seigneur.



INDEX OF CONTENTS
PAGE 1
PAGE 2
PAGE 3
PAGE 4



THE
LIBRARY OF
THE
UNIVERSITY OF
CHICAGO
1892



Lettres de commission

S V R L E S F R A N C S -

Fiefs & nouveaux acquests.

LE S Commissaires
ordonnez par le
Roy sur le faict des
francs fiefs & nou-
veaux acquests à
Paris, pour les resorts des Par-
lements dudit Paris, Rouen, &
Dijon, A vous

salut.

Côme sur la requeste & remon-

A ij

strance verbale à nous ce iour-
dhuy faite par le Procureur du
Roy au Tresor, & en laditte
cōmission, contenāt que par les
lettres patētes dudit Seigneur,
du cinquieme iour de Septēbre
dernier, il auroit esté mandé au
Preuost de Paris ou son Lieute-
nāt de faire publier en ceste dit-
te ville de Paris, & autres lieux
d'icelle preuosté accoustumez à
faire cris & proclamations, à ce
que toutes gents d'Eglise, com-
munauté & de main-morte, &
aussi tous roturiers & non no-
bles (le clergé payant decimes
excepté) eussent à apporter ou
enuoyer par procureur suffi-
samment fondé respectiuement

au greffed'icelle preuosté, dedás
vn mois du iour de ladicte publi
cation, pour toutes prefixions
& delais, la declaration au vray
& par le menu, à sçauoir lesdits
gents d'Eglise, communauté &
de main morte, de toutes les ter
res, rêtes, heritages, posselliōs &
biēs immeubles par eux acquis,
tenus & possédez, tant par legs,
donations, fondations, achapts,
que autrement, & lesdicts non
nobles de tous les fiefs, arriere
fiefs, heritages, & possessions
nobles, que aussi ils tiennent &
possèdent dedans ladicte pre
uosté & ressorts d'icelle, avec le
reuenue annuel d'icelles posses
sions : ensemble les lettres d'ad-

mortissement, permissions, respits & souffrances, qu'ils pourroient, chascun endroit soy, auoir obtenues dudiect Seigneur, ou ses predecesseurs, de tenir & posseder lesdittes choses, selon qu'il est plus à plein declairé & specifié par lesdittes lettres. Lesquelles iacoit qu'elles ayent esté publiques enladite ville, & autres lieux de laditte preuosté, cōme dessus acoustumez à faire cris & proclamatiōs: ce neantmoins la plus part desdits gents d'Eglise, cōmunauté & de main-morte, des nature & qualitez susdittes, & pareillemēt desdits roturiers & non nobles, n'ont tenu cōpte d'y obeir & satisfaire: à quoy le-

dit procureur du Roy nous a requis pourueoir, & à ces fins luy octroyer nos Lettres de commission necessaires.

POVRCE est il, que nous vous mandons & commettons par ces presentes, que à la Requeste dudit Procureur du Roy, vous saisissez, & mettez en la main du Roy nostre dict Seigneur, reaulment & de faict tous & chascuns les fiefs & arriere-fiefs, heritages & possessions nobles tenuz par gens roturiers & non nobles, & les heritages, fiefs & possessions immeubles, & tout le reuenu temporel appartenant aux fabriques, hospitaux, maladeries, confrairies,

Chappellenies, stipēdies, com-
munautē de prestres & clerics,
non payans decimes: ensemble
tous & chascuns les vsages, ma-
rests, pastures, franchises, de-
niers communs, rentes, reue-
nus, & tous autres droictz de
cōmunauté des villes, bourgs,
hameaux & villages estants des
enclauēs de ladicte preuosté &
resort d'icelle, à faulte d'auoir
par les detēteurs des choses sus-
dittes respectiuelement fourny
de leurs declaratiōs audit gref-
fe de la preuosté & viconté de
Paris, ou bien par deuers nous
dedās le temps prefix & limité
par lesdittes lettres, & au regi-
me & gouuernement d'iceulx
biens

biens & possessions establiſſent
bons & ſuffiſants Commiſſaires
qui en puiſſent & ſçachent ren-
dre bon cõpte & reliqua, quãd
& à qui il appartientdra, & ſera
par nous ordonné: deſquelles
ſaiſies & eſtabliſſemẽt de Com-
miſſaires vous en enuoyez in-
continent, du moins trois iours
apres, par deuers nous au greſſe
de noſtre-ditte commiſſion les
proces verbaux que vous en au-
rez reſpectiuement faiçts, pour
iceulx veuz & rapportez, & ſur
ce ouy le Procureur du Roy, e-
ſtre ordonné ce que verrõs bon
eſtre. De ce faire vous donnons
pouuoir, mandons & comman-
dons à tous les Juſticiers, Offi-

B

ciers & subiects du Roy nostre
dict Sieur, que à vous en ce fai-
sant soit obey.

D O N N E en la Chambre
desdits francs fiefs & nouveaux
acquests, establis au Tresor au-
dit Paris, le dixneufiesme iour
de Decembre l'an mil cinq cens
soixante & vnze.

Ainsi signé,

LE GENDRE.

*Et pour bailler lesdittes declaratiōs se fault
adresser au greffe desdits francs-fiefs &
nouveaux acquests, estably à la cham-
bre du Tresor à Paris.*

Sommaire du Priuilege.

PAR Lettres patentes du Roy, donnees à Paris le quatriesme iour de Mars, mil cinq cents soixante-vnze, signees sur le reply, Par le Roy, Monsieur le grand Aumosnier present, DE-NEVF-VILLE, & scelees du grand seal dudit Seigneur, en cire iaune, sur double queue: verifiees tant en la Cour de Parlement, Chambre des Comptes, des Aides, que au Chastelet de Paris: Il est permis à Federic Morel son Imprimeur ordinaire, d'imprimer, ou faire imprimer, vendre & debiter tous Edicts, Ordonnances, Mandements, & Lettres patentes, sans qu'autres Libraires & Imprimeurs les puissent imprimer ne faire imprimer, si ce n'est du vouloir & consentement dudit Morel: sur les peines contenues esdictes Lettres. En oultre a ledict Seigneur voulu, qu'apposant par ledict Morel vn extrait sommaire de ses Lettres, au commandement ou à la fin de chascun des Liures qu'il imprimera, elles soient tenues pour suffisamment notifiees & venues à la cognoissance particuliere de tous ceulx qu'il appartiendra, sans qu'ils en puissent pretendre cause d'ignorance.









